



Havaghamik Tohaktitjutighak:

Lupin-mi Uyagaghiokvianutni Ukkiukmi Apkuhiokvighak

Lupin Mines Inc. (Lupin-mi Uyagaghiokvik), una nanminigiyaoyok tahapkunanga Mandalay Resources Timioyunit, piyomayakaktot hannayomavlutik ukkiumi apkutighamik tatvanga kipliktonik uyagaghiokvikmit tahamani Nunatiemi tahamunga Lupin Uyagaghiokvikmut Nunavumi atogumavlutjuk akjaktaotigiyomavlugu aghalutinik tatvalu tamayaghanik tatvunga Lupin Uyagaghiokvikmut piyagiakakmata havagiyaoniaktonik haligaghimaaklotik tatvalo hallumagomavlutjuk umiktaoniakmat tahamna havakviahimayok. Ublumi, tahamna ukkiumi apkuhioktaokataktok hannayaokataktat tahamungainak kipliktunik uyagaghiokvikmut, attangitmat tavunga Lupin uyagaghiokvianut. Lupin Mines piyomangmata atokataklugo tahamna apkuhioktaohimayok tatvunga kipliktunik uyagaghiokvikmut, tatvanga hannayomangmiyat apkuhioklutik tatvunga Lupin uyagaghiokvianut.

Lupin Uyagaghiokvianut hannaighimayut atogomavlutjuk tahamna apkughioktaoniaktok malgoknik akungani talimat ukkiunik. Hananiaghimayut tatvani Desaiami akungani Januallimi aipagugaikpat, agjaktakvigilugu tahapkuninga aghalutinik tamayaniklu ihuakutighanik tatvunga Lupin uyagaghiokvikmut Yalunaimut tatkihiut Januallimi Appumut. Tahamna ukkiumi apkuhioktaohimayok umikatakiaktok Appumi tahamna hikku kayangaghitinago.

Tahamna ukkiumi apkuhioktaohimayok tatvunga Tibbitt Nunatiemi, tatvunga Lupin-mut, kangikhugu tavunga Jericho Uyagaghiokvikmut, ihivgioktaovluni tatvalo hannayaokataghimayok kinguani (naunaipkutat ukkua Nunavumi Avatilikiyiitjut nahauta #s 00RN085 Tibbitt-mit tatvunga Tahikjuamut, 02RN037 Tibbitt-mit tatvunga Lupin-mut, 04RN111 Tibbitt-mit Jericho-mut). Una Tibbitt-mit tatvunga Tahikjuak-mut Ukkiumi Apkuhioktaoniaktok attaluni tatvunga Tahikjuakmut Ukkiumi Apkuhioktaohimayomut Ikkayoktigighutik Havagiyaoyok (TCJV) hadja Laisikaktot Tahamanitjutighamingnik (NIRB # 02RN037) ukkiumi apkuhioktaoniaktomik tatvunga Nunatiap/Nunavut tiitikiup kigigiyaatnit tatvunga Lupin-mut. Ukkua Tughiktotikaktot piyomangmata atogumavlutjuk una ukkiumi apkuhioktaokataktok atoktaokataktok atoghutjuk una TCJV Laisiktagihimayaat. Ukakatigikataghimaliktat ukkua TCJV paknaiyaotigivaliyomavlutjuk hannatjutighaitnik tatvalu angmaumatjutighanik taffuma ukkiumi apkuhioktaokatakiaktok Nunavumi tatvalo kanok ihuilotaniakniakat tahapkunanga tughiktotaoniaktonik nunanik atogomaniaktonik .